

**BOSNA I HERCEGOVINA**  
**FEDERACIJA BOSNE I HERCEGOVINE**  
**Federalno ministarstvo poljoprivrede, vodoprivrede i šumarstva**

# **P R O G R A M**

novčanih podrški u poljoprivredi i ruralnom razvoju za 2022. godinu

**Sarajevo, april 2022. godine**

# PROGRAM

novčanih podrški u poljoprivredi i ruralnom razvoju za 2022. godinu

- 1. Period realizacije:** Od 01.01. do 31.12.2022. godine
  
- 2. Ukupna vrijednost:** 106.000.000 KM
  
- 3. Namjena Programa:** Podrška proizvodnji kroz model poticaja proizvodnji, a plaćanja u sklopu mjera strukturne politike kroz model podrške dohotku, model kapitalnih ulaganja, model ruralnog razvoja i model ostalih vrsta podrški
  
- 4. Korisnici Programa:** Klijenti upisani u Registar poljoprivrednih gazdinstava /Registar klijenata
  
- 5. Izvor sredstava:** Budžet Federacije Bosne i Hercegovine za 2022. godinu – sredstva utvrđena u razdjelu 24, glava 2401, ekonomski kod 6145 „Subvencije privatnim preduzećima i preduzetnicima – Poticaj za poljoprivredu Federalnom ministarstvu poljoprivrede, vodoprivrede i šumarstva“ („Službene novine Federacije BiH“, broj 25/22)
  
- 6. Nosilac Programa:** Federalno ministarstvo poljoprivrede, vodoprivrede i šumarstva
  
- 7. Odgovorno lice:** mr. sci. Šemsudin Dedić, ministar

## UVOD

Programom novčanih podrški u poljoprivredi i ruralnom razvoju određuje se godišnji iznos sredstava novčanih podrški, vrste mjera i raspodjela sredstava po mjerama, te opći i posebni kriteriji za njihovo ostvarivanje.

Kod izrade Programa novčanih podrški u poljoprivredi i ruralnom razvoju za 2022. godinu (u daljem tekstu: Program podrški) vodilo se računa o:

- a) Odredbama Zakona o poljoprivredi („Službene novine Federacije BiH“, br. 88/07, 04/10, 27/12, 7/13 i 82/21);
- b) Odredbama Zakona o novčanim podrškama u poljoprivredi i ruralnom razvoju („Službene novine Federacije BiH“, br. 42/10 i 99/19); (u daljem tekstu: Zakon o novčanim podrškama);
- c) Odredbama Zakona o izvršenju Budžeta Federacije BiH za 2022. godinu („Službene novine Federacije BiH“, broj 25/22).
- d) Principima Srednjoročne strategije razvoja poljoprivrednog sektora u Federaciji Bosne i Hercegovine (2015.-2019.godina, - produžene do kraja 2021. godine i Zaključka Vlade Federacije Bosne i Hercegovine o njenoj primjeni u 2022. godini V. Broj: V. Broj:439/2022 od 07.04.2022.godine.

## POGLAVLJE I. CILJEVI I SVRHA PROGRAMA PODRŠKI

### Član 1.

(Ciljevi Programa podrški)

Programom podrški realizovat će se prioritetne mjere novčanih podrški po modelu poticaja proizvodnji i dio mjera strukturne politike koje trebaju doprinijeti ispunjavanju slijedećih ciljeva:

- a) unaprjeđenje poljoprivredne proizvodnje i povećanje obima korištenja poljoprivrednog zemljišta s ciljem jačanja konkurentnosti na domaćem i inostranom tržištu;
- b) povećanje ponude domaćim poljoprivrednim proizvodima uz poboljšanje kvaliteta zdravstvene i higijenske ispravnosti proizvoda u skladu sa zahtjevima potrošača;
- c) osiguranje stabilnog poljoprivrednog dohotka i poboljšanje životnog standarda poljoprivrednih proizvođača;
- d) postepena harmonizacija i integracija sektora poljoprivrede u EU i globalno tržište.

### Član 2.

(Svrha Programa podrški)

Svrha Programa podrški je nastaviti podršku prioritetnim mjerama u okviru raspoloživog budžeta, kako bi se osigurala kontinuirana isplata poticaja proizvodnji i plaćanja u sklopu mjera strukturne politike za 2022. godinu. Direktnim podrškama, kao i strukturnim mjerama, želi se osigurati dugotrajna održivost poljoprivrednih gazdinstava koja obavljaju poljoprivrednu djelatnost u biljnoj i animalnoj proizvodnji. Pored modela poticanja proizvodnji, u Programu podrški su zastupljeni i drugi modeli novčanih podrški iz Zakona o novčanim podrškama.

## **POGLAVLJE II. KRITERIJI ZA RASPODJELU SREDSTAVA**

### **Član 3.**

(Pravo na novčanu podršku)

(1) Pravo na finansijska sredstva utvrđena u razdjelu 24, glava 2401, ekonomski kod 6145 „Subvencije privatnim preduzećima i preduzetnicima – Poticaj za poljoprivredu“ Federalnom ministarstvu poljoprivrede, vodoprivrede i šumarstva (u daljem tekstu Federalno ministarstvo) odobravat će se fizičkim i pravnim licima (u daljem tekstu: klijent), koji ispune opće i posebne kriterije.

(2) Gramatička terminologija korištenja muškog ili ženskog roda za pojmove u ovom Programu podrški uključuje oba roda.

### **Član 4.**

(Opći kriteriji)

(1) Da bi klijent ostvario pravo na novčanu podršku mora ispuniti opće i posebne kriterije.

(2) Pod općim kriterijima se smatra, da je klijent:

- a) državljanin Bosne i Hercegovine;
- b) registrovan kao pravno lice, poljoprivredni obrt ili fizičko lice, ima sjedište/ prebivalište u Federaciji Bosne i Hercegovine (u daljem tekstu: Federacija BiH);
- c) ostvario poljoprivrednu proizvodnju ili drugu djelatnost na teritoriji Federacije BiH, propisanu ovim Programom podrški;
- d) upisan u Registar poljoprivrednih gazdinstava ili Registar klijenata, (u daljem tekstu: RPG ili RK), kao i Registar pčelara i pčelinjaka za klijente koji se bave uzgojem pčelinjih zajednica;
- e) ispunio propisane posebne kriterije iz Programa podrški, te kriterije iz naprijed navedenih zakonskih, kao i podzakonskih propisa koji bliže uređuju predmetnu oblast novčanih podrški u poljoprivredi i ruralnom razvoju za period 01.10.2021. godine do 01.10.2022.godine, izuzev mjera podrške u okviru modela ruralnog razvoja;
- f) ostvario pravo u ponovljenom postupku provedenom po pravosnažnoj sudskoj presudi iz oblasti novčanih podrški, odnosno po pravosnažnom rješenju donesenom u drugostepenom postupku;
- g) izmirio obaveze ili sklopio sporazum o reprogramu duga kod nadležne porezne uprave Federacije BiH/Uprave za indirektno oporezivanje BiH za 2021. godinu.

### **Član 5.**

(Preraspodjela sredstava)

Vlada Federacije BiH, na prijedlog Federalnog ministarstva vrši preraspodjelu neutrošenih sredstava između modela poticaja proizvodnji, modela ostalih vrsta podrški i modela ruralnog razvoja.

## **Odjeljak A. Posebni kriterij za model poticaja proizvodnji**

### **Član 6.**

(Biljna proizvodnja)

- (1) Proizvodnja ratarskih, povrtlarskih, voćarskih kultura, duhana, grožđa i maslina:
  - a) hljebna žita (pšenica i raž) – klijent ostvaruje pravo na novčanu podršku za proizvodnju na minimalno 1 ha, a maksimalno po kulturi 200 ha hljebnih žita u toku godine i iste prodaja;
  - b) stočna žita (stočni ječam, kukuruz, zob i tritikale) – klijent ostvaruje pravo na novčanu podršku za proizvodnju na minimalno 1 ha, za kukuruz na minimalno 2 ha, a maksimalno po kulturi 200 ha stočnih žita u toku godine, za vlastite potrebe ili iste prodaja;
  - c) krmno bilje na oranicama (silažni kukuruz, stočni grašak i grahorice, djetelinsko-travne smjese i djetelina) – klijent ostvaruje pravo na novčanu podršku za proizvodnju na minimalno 2 ha, a maksimalno po kulturi 400 ha krmnog bilja u toku godine, za vlastite potrebe ili iste prodaja;
  - d) uljarice (uljana repica, suncokret i soja) – klijent ostvaruje pravo na novčanu podršku za proizvodnju na minimalno 1 ha, a maksimalno po kulturi 250 ha uljarica u toku godine i iste prodaja;
  - e) povrće (paradajz, paprika, krastavac, patlidžan, mrkva, cvekla, luk (bijeli/crveni), salata, mladi krompir, kupus, lubenica, kelj i grah) – klijent ostvaruje pravo na novčanu podršku za proizvodnju na minimalno 0,5 ha, a maksimalno po kulturi 20 ha povrća u toku godine i isto prodaja;
  - f) grožđe i masline – klijent (pravno lice i obrt) ostvaruje pravo na novčanu podršku za proizvodnju na minimalno 0,3 ha, a maksimalno po kulturi 200 ha) grožđa ili maslina u toku godine;
  - g) voće (šljiva, jabuka, kruška, breskva, nektarina, nar, trešnja, višnja, smokva, kajsija, lješnjak i malina, orah, badem, borovnica, brusnica i aronija) – klijent, pravno lice i obrt) ostvaruje pravo na novčanu podršku za proizvodnju na minimalno 0,5 ha, a maksimalno po kulturi 250 ha voća u toku godine;
  - h) heljda – klijent ostvaruje pravo na novčanu podršku za proizvodnju na minimalno 1ha, a maksimalno 50 ha heljde u toku godine i istu prodaja;
  - i) ljekovito i aromatično bilje (kamilica, menta, lavanda, ružmarin, smilje, lovor i dr.) – klijent ostvaruje pravo na novčanu podršku za proizvodnju na minimalno 1 ha, a maksimalno po kulturi 50 ha ljekovitog i aromatičnog bilja u toku godine i isto prodaja;
  - j) duhan (Virdžinija, Berlejš i Hercegovački ravnjak) – klijent ostvaruje pravo na novčanu podršku za proizvodnju na minimalno 0,5 ha, a maksimalno po kulturi 50 ha duhana u listu u toku godine i isti prodaja.
- (2) Proizvodnja deklarisanog sjemena:
  - a) strnih žita (pšenica, ječam, raž, zob, tritikale) i heljde – klijent ostvaruje pravo na novčanu podršku za maksimalno po kulturi 300 ha zasijanog sjemena strnih žita ili heljde u toku godine i isto prodaja;
  - b) kukuruza, soje i suncokreta – klijent ostvaruje pravo na novčanu podršku za maksimalno po kulturi 100 ha zasijanog sjemena kukuruza, soje ili suncokreta u toku godine i isto prodaja;
  - c) krompira (osnovno sjeme i certificirano sjeme) – klijent ostvaruje pravo na novčanu podršku za maksimalno po kulturi 50 ha proizvedenog sjemena krompira u toku godine i isto prodaja.
- (3) Proizvodnja deklarisanog sadnog materijala:
  - a) krošnjastog voća (jabuka, kruška, šljiva, dunja, mušmula, oskoruša, breskva, kajsija, nektarina, trešnja, višnja, maslina, smokva, lijeska, orah, kesten, nar, badem) – klijent ostvaruje pravo na novčanu podršku za maksimalno po kulturi 220.000 sadnica krošnjastog voća u toku godine i iste prodaja;

- b) jagodičastog voća (kupina, malina, borovnica, brusnica, aronija i jagoda (frigo sadnice) - klijent ostvaruje pravo na novčanu podršku za maksimalno po kulturi 220.000 sadnica jagodičastog voća, a za jagodu maksimalno 500.000 frigo sadnica u toku godine i iste prodaja;
  - c) vinove loze – klijent ostvaruje pravo na novčanu podršku za maksimalno 220.000 sadnica vinove loze u toku godine i iste prodaja.
- (4) Proizvodnja deklariranih presadnica povrća (kontejnerskih):
- a) kontejnerske presadnice (salata, tikvica, špinat, celer, blitva, kukuruz šećerac i kornišon) - klijent ostvaruje pravo na novčanu podršku za minimalno 100.000 a maksimalno 3.000.000 presadnica i iste prodaja;
  - b) presadnice povrća (kontejnerske): (paradajz, paprika, krastavac, patlidžan, kupusi, dinja, lubenica) - klijent ostvaruje pravo na novčanu podršku za minimalno 100.000 a maksimalno 3.000.000 presadnica i iste prodaja;
  - c) kalemljene presadnice povrća (kontejnerske) – (lubenica, dinja, krastavac, paradajz, patlidžan i paprika) klijent ostvaruje pravo na novčanu podršku za minimalno 100.000 a maksimalno 2.000.000 presadnica i iste prodaja.

## **Član 7.**

### (Animalna proizvodnja)

- (1) Govedarska proizvodnja:
- a) Proizvodnja svježeg kravljeg mlijeka – klijent ostvaruje pravo na novčanu podršku ako posjeduje minimalno tri mliječne krave i proizvede minimalno 500, a maksimalno 550.000 litara mlijeka mjesečno i isto prodaja;
  - b) Proizvodnja goveđeg mesa - tov junadi od teladi iz domaćeg uzgoja – klijent ostvaruje pravo na novčanu podršku za minimalno 3, a maksimalno 900 utovljenih grla u toku godine i iste prodaja;
  - c) Proizvodnja goveđeg mesa – tov junadi od teladi iz uvoza – klijent ostvaruje pravo na novčanu podršku za minimalno 10, a maksimalno 600 utovljenih grla u toku godine i iste prodaja;
  - d) Uzgoj krava prvotelki (rasplodne junice) – klijent ostvaruje pravo na novčanu podršku (pravno lice ili obrt) za uzgoj minimalno 2, a maksimalno 200 junica iz vlastitog stada u toku godine, s tim da služe za proširenje vlastitog stada ili za prodaju;
  - e) Uzgoj goveda u sistemu krava-tele – klijent ostvaruje pravo na novčanu podršku za minimalno 15, a maksimalno 1.000 krava u sistemu krava-tele, u toku godine.
- (2) Ovčarska i kozarska proizvodnja:
- a) Proizvodnja svježeg ovčjeg i kozjeg mlijeka – klijent ostvaruje pravo na novčanu podršku za minimalno 300 litara mjesečno, a maksimalno 300.000 litara ovčjeg ili kozjeg mlijeka u toku godine i isto prodaja.
  - b) Uzgoj rasplodne stoke (ovce i koze) – klijent ostvaruje pravo na novčanu podršku za minimalno 50 odraslih ovaca, odnosno minimalno 25 odraslih koza starijih od godinu dana, a maksimalno 1.300 odraslih grla ovaca ili koza, u toku godine.
- (3) Svinjogojska proizvodnja:
- a) Proizvodnja svinjskog mesa – tov svinja iz domaćeg uzgoja ili uvoza – klijent ostvaruje pravo na novčanu podršku ako u toku godine utovi minimalno 25 svinja od prasadi iz domaćeg uzgoja, odnosno minimalno 75 svinja od prasadi iz uvoza, a maksimalno 7.200 svinja u toku godine i iste prodaja;

- b) Uzgoj rasplodne stoke – krmača – klijent ostvaruje pravo na novčanu podršku za minimalno 5, a maksimalno 150 rasplodnih krmača u toku godine.
- (4) Peradarska proizvodnja:
  - a) Uzgoj 18-sedmičnih pilenki – klijent ostvaruje pravo na novčanu podršku za minimalno 5.000, a maksimalno 220.000 uzgojenih pilenki u toku godine od pilića iz domaćeg uzgoja do prelaska u fazu reprodukcije i iste proda ili ih ostavi za dalji uzgoj;
  - b) Uzgoj pilenki teške roditeljske linije – klijent ostvaruje pravo na novčanu podršku za minimalno 5.000, a maksimalno 70.000 pilenki u toku godine do prelaska u fazu reprodukcije i iste proda ili ih ostavi za dalji uzgoj;
  - c) Uzgoj pilenki lake roditeljske linije – klijent ostvaruje pravo na novčanu podršku za minimalno 5.000, a maksimalno 50.000 pilenki u toku godine do prelaska u fazu reprodukcije i iste proda ili ih ostavi za dalji uzgoj.
  - d) Uzgoj brojlera – klijent ostvaruje pravo na novčanu podršku za minimalno 5.000 a maksimalno 220.000 brojlera u toku godine od pilića iz domaćeg uzgoja i iste proda.
- (5) Pčelarska proizvodnja:

Košnice pčela - uzgoj pčelinjih zajednica – klijent ostvaruje pravo na novčanu podršku za minimalno 20, a maksimalno 500 pčelinjih zajednica.
- (6) Ribarska proizvodnja:
  - a) Proizvodnja/uzgoj slatkovodne ribe – klijent ostvaruje pravo na novčanu podršku za minimalno 3.000 kg, a maksimalno 600.000 kg ribe u toku godine i istu proda;
  - b) Proizvodnja/uzgoj morske ribe – klijent ostvaruje pravo na novčanu podršku za minimalno 3.000 kg, a maksimalno 150.000 kg ribe u toku godine i istu proda.
- (7) Izvorne zaštićene pasmine životinja:

Uzgoj izvornih zaštićenih pasmina životinja (bosanski brdski konj, domaća buša, domaći magarac i pas tornjak) u čistoj krvi ili u tipu – klijent ostvaruje pravo na novčanu podršku za maksimalno 100 životinja izvornih zaštićenih pasmina u toku godine, a za psa tornjaka maksimalno 10 životinja u toku godine.

## **Član 8.**

(Zajedničke odredbe za model poticaja proizvodnji)

(1) Klijent koji je započeo proizvodnju u 2021. godini (prije ili poslije 01.10.2021. godine), a završio je prije objave ovog Programa podrški, kompletnu dokumentaciju dostavlja nadležnom kantonalnom ministarstvu najkasnije u roku od 30 dana od dana stupanja na snagu ovog Programa podrški (samo za one proizvodnje iz 2021. godine, koje su planirane u Programu podrški za 2022. godinu). Nadležno kantonalno ministarstvo vrši obradu zahtjeva na osnovu visine sredstava propisanih ovim Programom podrški, nakon čega ih dostavlja Federalnom ministarstvu na dalju realizaciju, a najkasnije u roku od 45 dana od dana stupanja na snagu ovog Programa podrški, a klijent koji završi proizvodnju nakon objave Programa podrški, kompletnu dokumentaciju dostavlja nadležnom kantonalnom ministarstvu najkasnije do 01.10. tekuće godine.

(2) Ako je klijent imao zasnovanu proizvodnju na području općine ili grada na kojem je proglašeno stanje elementarne nepogode, može ostvariti pravo na novčanu podršku.

## **Odjeljak B. Model podrške dohotku**

### **Član 9.**

(Cilj podrške dohotku)

Model podrške dohotku uvodi se radi zbrinjavanja malih nekomercijalnih porodičnih poljoprivrednih gazdinstava i osiguranja primjerenijeg životnog standarda članovima ove vrste gazdinstva.

### **Član 10.**

(Sredstva podrške dohotku)

Zbog nedostatka novčanih sredstava nije moguće provesti mjere iz ovog modela.

## **Odjeljak C. Model kapitalnih ulaganja**

### **Član 11.**

(Cilj podrške kapitalnim ulaganjima)

Podrška u okviru modela kapitalnih ulaganja je dodjela nepovratnih sredstava komercijalnim poljoprivrednim gazdinstvima radi unapređenja uslova proizvodnje, produktivnosti i konkurentnosti poljoprivrednog gazdinstva, imajući u vidu pri tome ravnomjeran razvoj poljoprivrede na cijelome teritoriju Federacije BiH.

### **Član 12.**

(Sredstva podrške kapitalnim ulaganjima)

Zbog nedostatka novčanih sredstava nije moguće provesti mjere iz ovog modela.

## **Odjeljak D: Model ruralnog razvoja**

### **Pododjeljak D/1: Ciljevi i vrste mjera ruralnog razvoja**

#### **Član 13.**

(Osnovni i specifični ciljevi mjera ruralnog razvoja)

- (1) Osnovni cilj mjera ruralnog razvoja je podizanje konkurentnosti poljoprivrednih gazdinstava i prehrambene industrije kroz povećavanje kvalitete i kvantitete poljoprivrednih i prehrambenih proizvoda, uz što veći stepen ispunjavanja zahtjeva tržišta, stvaranje povoljnijeg ambijenta za razvoj poljoprivredne proizvodnje i očuvanje okoliša.
- (2) Specifični cilj mjera ruralnog razvoja je poboljšanje sveukupnog poslovanja kroz poboljšanje infrastrukture i opreme na poljoprivrednim gazdinstvima i subjektima koji se bave preradom i doradom poljoprivrednih proizvoda, a što će rezultirati uvođenjem novih proizvodnih tehnologija i metoda proizvodnje, olakšanja poslovanja, povećanja prihoda, podizanja standarda kvaliteta i boljom zaštitom okoliša.



## **Član 14.**

(Mjere podrške u okviru modela ruralnog razvoja)

- (1) Podrške u okviru modela ruralnog razvoja obuhvaćaju:
  - a) Mjere za povećanje konkurentnosti,
  - b) Mjere za zaštitu ruralnog okoliša.
- (2) Mjere za povećanje konkurentnosti sastoje se od:
  - a) Podrške investicijama u sektoru poljoprivrede i prehrambene industrije preko Federalnog ministarstva,
  - b) Podrške investicijama u sektoru poljoprivrede i prehrambene industrije u saradnji s Razvojnou bankom Federacije Bosne i Hercegovine (u daljem tekstu: Razvojna banka),
- (3) Mjera za zaštitu ruralnog okoliša sastoji se od:

Podrške certifikaciji organske proizvodnje.
- (4) Za podršku su prihvatljivi troškovi aktivnosti za mjere iz st. (2), i (3) ovog člana koji su nastali u periodu od 01.10. prethodne do 01. 08. tekuće godine.

## **Pododjeljak D/2: Mjere za povećanje konkurentnosti i zaštitu ruralnog okoliša**

### **Član 15.**

(Podrška investicijama u sektoru poljoprivrede i prehrambene industrije preko Federalnog ministarstva)

Podrška investicijama u sektoru poljoprivrede i prehrambene industrije preko Federalnog ministarstva obuhvaća slijedeće mjere:

- a) Podrška investicijama u poljoprivredne mašine i priključne uređaje za biljnu i stočarsku proizvodnju – pravo na podršku imaju klijenti koji su izvršili kupovinu poljoprivrednih mašina i priključnih uređaja,
- b) Podrška investicijama u opremu za biljnu ili stočarsku proizvodnju – pravo na podršku imaju klijenti koji su izvršili kupovinu opreme za biljnu ili stočarsku proizvodnju.
- c) Sufinansiranje nabavke visoko kvalitetne rasplodne stoke – pravo na podršku imaju klijenti koji su izvršili kupovinu visoko kvalitetnih rasplodnih grla stoke od pravnih lica sa prostora BiH ili iz uvoza,
- d) Podrška investicijama u izgradnju ili proširenje, odnosno opremanje građevinskih objekata u svrhu obavljanja poljoprivredne proizvodnje ili njihove prerade – pravo na podršku imaju klijenti koji su izvršili izgradnju ili proširenje građevinskih objekata u funkciji poljoprivredne proizvodnje ili prerade poljoprivrednih proizvoda za koje posjeduju građevinsku dozvolu, odnosno njihovo opremanje. Ova mjera obuhvata izgradnju i opremanje staklenika ili plastenika za koje nije potrebna građevinska dozvola.
- e) Podrška za ulaganje u legalizaciju građevinskih objekata i ispunjavanje okolišnih standarda – pravo na podršku imaju klijenti koji izvršili legalizaciju postojećih štalskih i drugih objekata u funkciji poljoprivredne proizvodnje i pribavili su građevinsku dozvolu. U sklopu mjere bila bi podržana i dogradnja postojećih ili izgradnja pomoćnih objekata za zbrinjavanje biološkog otpada i uklanjanje zagađenja koje nastaje kao posljedica proizvodnog procesa, u skladu sa građevinskom dozvolom. Ova mjera obuhvata i troškove izgradnje postrojenja za pretvaranje biološkog otpada u obnovljive izvore energije, i proizvodnju energije iz

drugih obnovljivih izvora za potrebe poljoprivrednih gazdinstava, odnosno prerađivačkog pogona.

- f) Podrška investicijama u podizanje višegodišnjih nasada – pravo na podršku imaju klijenti koji su izvršili investiranje u podizanje višegodišnjih nasada.

#### **Član 16.**

(Podrška investicijama u sektoru poljoprivrede i prehrambene industrije u saradnji sa Razvojnou bankom)

- (1) Podrška investicijama u sektoru poljoprivrede i prehrambene industrije koja se realizuje u saradnji sa Razvojnou bankom zasniva se na kreditnoj liniji za finansiranje do 50% vrijednosti investicijskih projekata iz člana 15. ovog Programa, grant sredstvima Federalnog ministarstva, deponovanim kod Razvojne banke u vrijednosti 25% prihvatljivih troškova investicije i vlastitim sredstvima klijenta za preostali dio vrijednosti investicije i troškova PDV-a, ukoliko je klijent obveznik PDV-a.
- (2) Kreditna linija ima sljedeće karakteristike:
  - a) finansira isključivo nabavku stalnih sredstava,
  - b) nominalna kamatna stopa je 3% fiksna na godišnjem nivou,
  - c) rok otplate je do 15 godina,
  - d) grace period je do 36 mjeseci, ovisno o vrsti djelatnosti,
  - e) minimalni iznos kredita je 25.000 KM,
  - f) maksimalni iznos kredita za projekte fizičkih lica je 300.000 KM, a pravnih lica i obrta je 1.400.000 KM.
- (3) Federalno ministarstvo i Razvojna banka realizuju sredstva podrške na osnovu Protokola o saradnji i Ugovora o namjenskom depozitu.
- (4) Pravo na podršku imaju klijenti koji su upisani u RPG, odnosno RK, i odobren im je kreditni zahtjev u okviru kreditne linije Razvojne banke.
- (5) Period za provođenje investicijskog projekta određuje se Ugovorom o korištenju sredstava novčane podrške između klijenta i Federalnog ministarstva.
- (6) Razvojna banka odobrava kreditne zahtjeve do utroška cjelokupnog deponovanog iznosa.

#### **Član 17.**

(Podrška certifikaciji organske proizvodnje)

Podrška za certifikaciju organske proizvodnje odnosi se na proizvođače, prerađivače ili sakupljače upisane u Registar klijenata koji posjeduju važeći certifikat prema zahtjevima standarda "ISO/IEC 17065:2014".

### **Pododjeljak D/3: Zajedničke odredbe za model ruralnog razvoja**

#### **Član 18.**

(Minimalna i maksimalna prihvatljiva vrijednost investicije)

- (1) Minimalna prihvatljiva vrijednost investicije koja je predmet novčane podrške u okviru ovog Programa podrške je 2.000 KM za fizička lica i obrte, a 4.000 KM za

pravna lica. Prihvatljive su sve investicije u okviru sektora, nezavisno o njihovoj ukupnoj vrijednosti.

- (2) Maksimalna prihvatljiva vrijednost pojedine investicije zavisi o učešću prihvatljivih troškova u finansijskoj strukturi investicije, i ograničena je maksimalnim iznosom novčane podrške u okviru modela ruralnog razvoja predviđenim Programom podrški.

#### **Član 19.**

(Osnovni iznos novčane podrške)

- (1) Osnovni iznos novčane podrške je umnožak postotka podrške sa iznosom prihvatljivih troškova. Osnovni iznos novčane podrške za svaki pojedinačni zahtjev za sufinansiranje projekta utvrđuje se na osnovu računa (faktura) i dokaza o izvršenom plaćanju.
- (2) Osnovni iznos novčane podrške za projekte iz čl. 15. ovog Programa podrški iznosi do 30% vrijednosti prihvatljivih troškova.
- (3) Osnovni iznos novčane podrške za projekte iz čl. 16. ovog Programa podrški iznosi 25% vrijednosti prihvatljivih troškova.
- (4) Osnovni iznos novčanih podrški iz člana 17. ovog Programa podrški iznosi do 75% vrijednosti prihvatljivih troškova.

#### **Član 20.**

(Dodatni iznos novčane podrške)

- (1) Dodatni iznos novčane podrške obračunava se za nosioca porodičnog poljoprivrednog gazdinstva i obrta, mlađeg od 40 godina na dan podnošenja zahtjeva, i žene nositeljice porodičnog poljoprivrednog gazdinstva ili obrta, množenjem iznosa prihvatljivih troškova sa koeficijentom 0,05.
- (2) Dodatni iznos novčane podrške iz stava (1) ovog člana obračunava se samo za projekte iz čl. 15. ovog Programa podrški.

#### **Član 21.**

(Maksimalni iznosi novčane podrške u okviru modela ruralnog razvoja)

- (1) Klijent može ostvariti pravo na maksimalni iznos novčane podrške za mjere iz čl. 15. i 16. ovog Programa podrški do 150.000 KM za fizička lica, odnosno do 700.000 KM za pravna lica i obrte, izuzev ulaganja u opremu za proizvodnju električne energije iz obnovljivih izvora, za koje ne može prelaziti 50.000 KM po klijentu.
- (2) Klijent može ostvariti pravo na maksimalni iznos novčane podrške za mjeru iz člana 17. ovog Programa podrški do 10.000 KM.
- (3) U maksimalni iznos novčane podrške ubrajaju se sredstva osnovnog i dodatnog iznosa novčane podrške.
- (4) Klijent koji ostvaruje pravo na podršku za više projekata u okviru modela ruralnog razvoja ostvaruje pravno na novčanu podršku samo do maksimalnog iznosa novčane podrške iz stava (1) ovog člana.

## **Član 22.**

(Način realizacije mjera ruralnog razvoja)

- (1) Realizacija mjera novčanih podrški iz modela ruralnog razvoja vrši se u skladu sa Programom podrški.
- (2) Pored odredbi ovog Programa, posebni uslovi koje moraju ispunjavati klijenti, prihvatljivi i neprihvatljivi troškovi, način ostvarivanja prava na novčane podrške, kao i druga pitanja, propisuju se Pravilnikom o uslovima i načinu ostvarivanja novčane podrške po modelu ruralnog razvoja, koji donosi federalni ministar poljoprivrede, vodoprivrede i šumarstva.

### **Odjeljak E: Model ostalih vrsta podrški**

#### **Pododjeljak E/1: Ciljevi i mjere ostalih vrsta podrški**

## **Član 23.**

(Osnovni i specifični ciljevi mjera ostalih vrsta podrški)

- (1) Osnovni cilj mjera ostalih vrsta podrški je podizanje konkurentnosti poljoprivrednih gazdinstava i prehrambene industrije kroz osiguranje prihoda, bolje povezivanje sa tržištem, podršku organizovanju unutar sektora i okrupnjavanju zemljišnih parcela.
- (2) Specifični ciljevi ove mjere su pružanje podrške osiguranju poljoprivrednih proizvoda od mogućih šteta, podrška povezivanju s tržištem i promocija poljoprivrednih i prehrambenih proizvoda, podrška organizacijama poljoprivrednika i poljoprivrednim zadrugama u provođenju njihovih aktivnosti, podizanje kvaliteta proizvoda i strukturno jačanje poljoprivrednih gazdinstava.

## **Član 24.**

(Mjere podrške u okviru modela ostalih vrsta podrški)

- (1) Podrške u okviru modela ostalih vrsta podrški obuhvaćaju sljedeće mjere:
  - a) Sufinansiranje troškova premije osiguranja od mogućih šteta u poljoprivrednoj proizvodnji,
  - b) Sufinansiranje stručnih skupova, kongresa, simpozija, seminara i sajmova,
    - 1) Sufinansiranje organizovanja;
    - 2) Sufinansiranje izlaganja;
  - c) Sufinansiranje realizacije projekata od značaja za Federaciju BiH:
    - 1) Sufinansiranje opremanja laboratorija i veterinarskih organizacija.
  - d) Sufinansiranje organizovanja poljoprivrednika (zadruge, udruženja, savezi, komore i sl.),
    - 1) Sufinansiranje nabavke kancelarijske opreme, namještaja i troškova zadružne revizije;
    - 2) Sufinansiranje aktivnosti poljoprivrednih zadruga i privrednih društava za povezivanje ponude porodičnih poljoprivrednih gazdinstava i obrta sa područja Federacije BiH;
  - e) Sufinansiranje troškova standardizacije proizvoda odnosno proizvodnje, Sufinansiranje troškova uvođenja i certifikacije standarda u poljoprivredi i prehrambenoj industriji,

- f) Podrška različitim programima pokretanja proizvodnje, poticanja jesenje sjetve i slične mjere koje nisu obuhvaćene ostalim modelima;  
Podrška različitim programima pokretanja proizvodnje, poticanja jesenje sjetve i slične mjere koje nisu obuhvaćene ostalim modelima.
- (2) Za podršku su prihvatljivi:
  - a) isplaćeni troškovi, odnosno provedene aktivnosti iz stava (1), tač. a), b), c), d), e) i f) ako su izvršeni u periodu od 01. 10. prethodne do 01. 10. tekuće godine.

#### **Član 25.**

(Sufinansiranje troškova premije osiguranja od mogućih šteta u poljoprivrednoj proizvodnji)

Podrška za sufinansiranje troškova premije osiguranja od mogućih šteta u poljoprivrednoj proizvodnji odobrava se poljoprivrednim gazdinstvima koja su zaključila i isplatila policu osiguranja od mogućih šteta u poljoprivrednoj proizvodnji.

#### **Član 26.**

(Sufinansiranje stručnih skupova, kongresa, simpozija, seminara i sajмова)

- (1) Podrška za sufinansiranje troškova organizovanja stručnih skupova, kongresa, simpozija, seminara, i sajмова iz oblasti poljoprivredno-prehrambenog sektora, odobrava se:
  - a) Naučnim, odnosno obrazovnim ustanovama koje su organizovale održavanje stručnog skupa, kongresa, simpozija ili seminara;
  - b) poljoprivrednim savezima, udruženjima poljoprivrednika, poljoprivrednim zadrugama, privrednim komorama i drugim pravnim licima koja su organizovala održavanje stručnog skupa, kongresa, simpozija, seminara ili sajma;
- (2) Podrška za sufinansiranje troškova izlaganja na poljoprivrednim sajmovima dodjeljuje se poljoprivrednim gazdinstvima ili preduzećima iz sektora prehrambene industrije koji su izlagali na sajmu iz oblasti poljoprivrede ili prehrambene industrije.

#### **Član 27.**

(Sufinansiranje realizacije projekata od značaja za Federaciju BiH)

- (1) Podrška sufinansiranju opremanja laboratorija i veterinarskih organizacija dodjeljuje se klijentima upisanim u RK, koji su izvršili ulaganje u opremanje laboratorija od značaja za poljoprivredni sektor, odnosno ulaganje u dijagnostičku opremu veterinarskih organizacija u periodu od 01.10.2020. do 01.10.2021. godine.

#### **Član 28.**

(Sufinansiranje organizovanja poljoprivrednika)

- (1) Podrška za sufinansiranje troškova nabavke kancelarijske opreme i namještaja dodjeljuje se poljoprivrednim zadrugama, organizacijama poljoprivrednika, poljoprivrednim savezima i udruženjima poljoprivrednika koji su izvršili nabavku kancelarijske opreme i namještaja, odnosno obavili zadružnu reviziju.
- (2) Sufinansiranje aktivnosti poljoprivrednih zadruga i privrednih društava za povezivanje ponude porodičnih poljoprivrednih gazdinstava i obrta sa područja Federacije BiH, obavlja se za izvršeni otkup i isplatu primarnih poljoprivrednih

proizvoda porodičnim poljoprivrednim gazdinstvima i obrtima, s ciljem njihove prodaje, prerade ili izvoza.

#### **Član 29.**

(Sufinansiranje troškova standardizacije proizvoda odnosno proizvodnje)

Podrška za sufinansiranje troškova uvođenja i certifikacije standarda u poljoprivredi i prehrambenoj industriji dodjeljuje se klijentima koji su uveli zadnje važeće izdanje standarda: Global G.A.P., ISO 14001, ISO 22000, HACCP, IFS, GSFS, SQF, HALAL i KOŠER standard, odnosno EU standard za zaštićenu oznaku izvornosti (PDO), zaštićenu oznaku zemljopisnog porijekla (PGI) i garantovano tradicionalni specijalitet (TSG).

#### **Član 30.**

(Podrška različitih programa pokretanja proizvodnje i slične mjere koje nisu obuhvaćene ostalim modelima, te mjere zemljišne politike)

Podrška različitim programima pokretanja proizvodnje i slične mjere koje nisu obuhvaćene ostalim modelima, te mjere zemljišne politike odnose se na podršku različitim programima pokretanja proizvodnje.

### **Pododjeljak E/2: Zajedničke odredbe za model ostalih vrsta podrški**

#### **Član 31.**

(Minimalna prihvatljiva vrijednost aktivnosti)

Minimalna prihvatljiva vrijednost aktivnosti koja je predmet novčane podrške u okviru modela ostalih vrsta podrški je 200 KM za fizička lica i obrte, a 500 KM za pravna lica.

#### **Član 32.**

(Maksimalni iznosi novčane podrške u modelu ostalih vrsta podrška po mjerama)

- (1) Iznos novčane podrške je umnožak postotka podrške sa iznosom prihvatljivih troškova.
- (2) Iznos novčane podrške za svaki pojedinačni zahtjev utvrđuje se na osnovu računa (faktura) i dokaza o izvršenom plaćanju.
- (3) Maksimalni iznos novčane podrške po mjerama iz modela ostalih vrsta podrške određuje se Pravilnikom o uvjetima i načinu ostvarivanja novčane podrške po modelu ostalih vrsta podrški.

#### **Član 33.**

(Način realizacije mjera ostalih vrsta podrška)

- (1) Realizacija mjera novčanih podrški iz modela ostalih vrsta podrški vršit će se u skladu sa Programom podrški.
- (2) Pored odredbi ovog Programa podrški, posebni uslovi koje moraju ispunjavati klijenti, prihvatljivi i neprihvatljivi troškovi, način ostvarivanja prava na novčane podrške, kao i druga pitanja, propisuju se Pravilnikom o uslovima i načinu ostvarivanja novčane podrške po modelu ostalih vrsta podrški, kojeg donosi federalni ministar poljoprivrede, vodoprivrede i šumarstva.

## **Odjeljak F: Sudske presude, vansudske nagodbe, nerealizovani zahtjevi iz ranijeg perioda za koje su vršene dodatne provjere i rješenja po žalbama**

### **Član 34.**

(Isplata sudskih presuda, vansudskih nagodbi, nerealizovanih zahtjeva iz ranijeg perioda za koje su vršene dodatne provjere i rješenja po žalbama)

Novčane podrške - ostvareno pravo u ponovljenim postupcima provedenim po pravosnažnim sudskim presudama u oblasti novčanih podrški iz prethodnih godina, vansudske nagodbe, nerealizovani zahtjevi iz ranijeg perioda za koje su vršene dodatne provjere, pravosnažnim rješenjima donesenim u drugostepenom postupku po žalbama.

## **POGLAVLJE III – VISINA I RASPODJELA SREDSTAVA**

### **Član 35.**

(Visina i raspodjela)

Sredstva odobrena Budžetom Federacije BiH za 2022. godinu, na stavci „Subvencije privatnim preduzećima i preduzetnicima – Poticaj za poljoprivredu“, raspodijelit će se na sljedeći način:

### **A/ Model poticaja proizvodnji**

Tabela 1. Raspodjela sredstava za mjere iz člana 6. ovog Programa

<b>A/1-1</b>	<b>br.</b>	<b>Proizvodnja ratarskih, povrtlarskih, voćarskih kultura, grožđa i maslina</b>	<b>KM po jedinici mjere za pravna lica i obrte</b>	<b>KM po jedinici mjere za fizička lica</b>	<b>Iznos u KM</b>
	1.	hljebna žita	680/ha	680/ha	3.800.000,00
	2.	stočna žita	380/ha	300/ha	1.100.000,00
	3.	krmno bilje	320/ha	250/ha	2.600.000,00
	4.	uljarice	520/ha	520/ha	1.900.000,00
	5.	heljda	440/ha	350/ha	50.000,00
	6.	ljekovito i aromatično bilje	650/ha	520/ha	210.000,00
	7.	povrće	2300/ha	2300/ha	1.000.000,00
	8.	grožđe i masline	1500/ha	-	1.350.000,00
	9.	voće	1500/ha	-	850.000,00
	10.	duhan	1600/ha	1270/ha	10.000,00

<b>A/1-2</b>		<b>Proizvodnja deklarisanog sjemena</b>			
	11.	strna žita (naturalno)	1040/ha	-	350.000,00
	11a.	strna žita (deklarisano)	1150/ha	-	
	12.	kukuruz, soje i suncokreta (naturalno)	1150/ha	-	70.000,00
	12a.	kukuruz, soje i suncokreta (deklarisano)	1270/ha	-	
	13.	krompira (osnovno sjeme)	2500/ha	-	30.000,00
	14.	krompira (certificirano sjeme)	2000/ha	-	20.000,00
<b>A/1-3</b>		<b>Proizvodnja deklarisanog sadnog materijala</b>			
	15.	krošnjastog voća	0,55/kom	-	100.000,00
	16.	jagodičastog voća (borovnica i brusnica)	0,35/kom	-	40.000,00
	16a.	malina i kupina	0,35/kom	-	110.000,00
	16b.	jagoda (frigo sadnica)	0,06/kom	-	50.000,00
	17.	vinove loze	0,55/kom	-	40.000,00
<b>A/1-4</b>		<b>Proizvodnja deklarisanih presadnica povrća (kontejnerskih)</b>			
	18.	presadnice povrća (kontejnerske) kontejnerske presadnice (salata , tikvica, špinat, celer, blitva, kukuruz šećerac i kornišon)	0,015/kom		900.000,00
	18a.	presadnice povrća (kontejnerske) paradajz, paprika, krastavac, patlidžan, kupusi, dinja, lubenica)	0,030/kom		



	18b.	kalemljene presadnice povrća (kontejnerske)	0,045/kom		
		<b>SVEGA A/1</b>			<b>14.580.000,00</b>

Tabela 2. Raspodjela sredstava za mjere iz člana 7. ovog Programa

<b>A/2-1</b>	<b>Br.</b>	<b>Govedarska proizvodnja</b>	<b>KM po jedinici mjere za pravna lica i obrte</b>	<b>KM po jedinici mjere za fizička lica</b>	<b>Iznos u KM</b>
	1.	svježe kravlje mlijeko	0,32/l	0,29/l	43.400.000,00
	2.	goveđe meso – tov junadi od teladi iz domaćeg uzgoja	485/grlu	380/grlu	3.200.000,00
	2a.	goveđe meso – tov junadi od teladi iz uvoza	275/grlu	220/grlu	235.000,00
	3.	rasplodna stoka-rasplodne junice	485/grlu	-	2.500.000,00
	4.	goveda u sistemu krava – tele	485/grlu	380/grlu	4.000.000,00
<b>A/2-2</b>		<b>Ovčarska i kozarska proizvodnja</b>			
	5.	svježe ovčje mlijeko	0,45/l	0,40/l	160.000,00
	6.	svježe kozje mlijeko	0,45/l	0,40/l	340.000,00
	7.	rasplodna stoka - ovce	46/grlu	29/grlu	5.000.000,00
	8.	rasplodna stoka – koze	46/grlu	29/grlu	190.000,00
<b>A/2-3</b>		<b>Svinjogojska proizvodnja</b>			
	9.	svinjsko meso – tov svinja	69/grlu	50/grlu	2.000.000,00
	10.	rasplodna stoka - krmače	185/grlu	140/grlu	100.000,00
<b>A/2-4</b>		<b>Peradarska proizvodnja</b>			
	11.	18 - sedmične pilenke	0,35/kljun	-	65.000,00
	12.	matična jata – pilenke teških roditeljskih linija	1,40/kljun	-	350.000,00
	13.	matična jata – pilenke lakih roditeljskih linija	1,40/kljun	-	50.000,00
	14.	Uzgoj brojlera	0,10/kljun	-	1.000.000,00
<b>A/2-5</b>		<b>Pčelarska proizvodnja</b>			
	14.	košnica pčela, uzgoj pčelinjih zajednica	16/koš	8/koš	1.000.000,00
<b>A/2-6</b>		<b>Ribarska proizvodnja</b>			
	15.	slatkovodna riba	1,40/kg	-	2.700.000,00
	16.	morska riba	1,40/kg	-	180.000,00
<b>A/2-7</b>		<b>Izvorne zaštićene pasmine životinja</b>			

	17.	bosanski brdski konj, domaća buša i domaći magarac u čistoj krvi	460/grlu	400/grlu	180.000,00
	17a.	bosanski brdski konj, domaća buša i domaći magarac u tipu	300/grlu	240/grlu	
	18.	pas tornjak	45/grlu	40/grlu	
		<b>SVEGA A/2</b>			<b>66.650.000,00</b>

## B/ Model podrške dohotku

Tabela 3. Raspodjela sredstava po modelu podrške dohotku

<b>B/</b>	<b>MODEL PODRŠKE DOHOTKU</b>		<b>Iznos u KM</b>
	<b>Broj</b>	<b>Naziv mjere</b>	
	1.	Zbog nedostatka novčanih sredstava nije moguće provesti mjere iz ovog modela.	0,00
		<b>SVEGA: B</b>	<b>0,00</b>

## C/ Model kapitalnih ulaganja

Tabela 4. Raspodjela sredstava po modelu kapitalnih ulaganja

<b>C/</b>	<b>MODEL KAPITALNIH ULAGANJA</b>		<b>Iznos u KM</b>
	<b>Broj</b>	<b>Naziv mjere</b>	
	1.	Mjere iz modela kapitalnih ulaganja sadržane su u mjerama iz modela ruralnog razvoja.	0,00
		<b>SVEGA: C</b>	<b>0,00</b>

## D/ Model ruralnog razvoja

Tabela 5. Raspodjela sredstava za mjere iz člana 14. ovog Programa

<b>D/</b>	<b>MODEL RURALNOG RAZVOJA</b>		<b>Iznos u KM</b>
	<b>Broj</b>	<b>Naziv mjere</b>	
	1.	<b>MJERE ZA POVEĆANJE KONKURENTNOSTI</b>	
<b>D/1-1</b>		<b>Podrška investicijama u sektoru poljoprivrede i prehrambene industrije u saradnji s Razvojnou bankom</b>	
	a)	Podrška investicijama u sektoru poljoprivrede i prehrambene industrije koja se realizuje u saradnji sa Razvojnou bankom Federacije BiH u okviru mjera iz člana 15. ovog Programa.	4.000.000,00
<b>D/1-2</b>		<b>Podrška investicijama u sektoru poljoprivrede i prehrambene industrije preko Federalnog ministarstva</b>	
	a)	Podrška investicijama u poljoprivredne mašine i priključne uređaje za biljnu i stočarsku proizvodnju	14.000.000,00
	b)	Podrška investicijama u opremu za biljnu i stočarsku proizvodnju	
	c)	Sufinansiranje nabavke visoko kvalitetne rasplodne stoke	

	d)	Podrška investicijama u izgradnju ili proširenje, odnosno opremanje novih građevinskih objekata u svrhu obavljanja poljoprivredne proizvodnje ili njihove prerade	
	e)	Podrška investicijama u podizanje višegodišnjih nasada	
	f)	Podrška za ulaganja u legalizaciju građevinskih objekata i ispunjavanje okolišnih standarda	
	<b>2</b>	<b>MJERE ZA ZAŠTITU RURALNOG OKOLIŠA</b>	
<b>D/2-1</b>		<b>Podrška certifikaciji organske proizvodnje</b>	
	a)	Podrška za certifikaciju organske proizvodnje	70.000,00
		<b>SVEGA D:</b>	<b>18.070.000,00</b>

„Tabela 6. Raspodjela sredstava za mjere iz člana 24. ovog Programa.

<b>E/</b>	<b>MODEL OSTALIH VRSTA PODRŠKI</b>		
	<b>Broj</b>	<b>Naziv mjere</b>	<b>Iznos u KM</b>
<b>E/1-1</b>		<b>Sufinansiranje osiguranja</b>	
	a)	Sufinansiranje troška premije osiguranja od mogućih šteta u poljoprivrednoj proizvodnji	Pravilnik 150.000,00
<b>E/1-2</b>		<b>Sufinansiranje stručnih skupova, kongresa, simpozija, seminara i sajмова</b>	
	a)	Sufinansiranje organizovanja stručnih skupova, kongresa, simpozija, seminara i sajмова	Pravilnik 100.000,00
	b)	Sufinansiranje izlaganja na poljoprivrednim sajmovima	Pravilnik 80.000,00
<b>E/1-3</b>		<b>Sufinansiranje realizacije projekata od značaja za Federaciju BiH</b>	
	a)	Sufinansiranje opremanja laboratorija i veterinarskih organizacija.	Pravilnik 100.000,00
<b>E/1-4</b>		<b>Sufinansiranje organizovanja poljoprivrednika</b>	
	a)	Sufinansiranje nabavke kancelarijske opreme, namještaja i troškova zadružne revizije	Pravilnik 20.000,00
	b)	Sufinansiranje aktivnosti poljoprivrednih zadruga i privrednih društava za povezivanje ponude porodičnih poljoprivrednih gazdinstava i obrta malih poljoprivrednih proizvođača sa području Federacije BiH.	Pravilnik 2.100.000,00
<b>E/1-5</b>		<b>Sufinansiranje troškova standardizacije proizvoda odnosno proizvodnje</b>	
	a)	Sufinansiranje troškova uvođenja i certifikacije standarda u poljoprivredi i prehrambenoj industriji	Pravilnik 150.000,00

E/1-6		<b>Podrška različitim programima pokretanja proizvodnje, poticanja jesenje sjetve i slične mjere koje nisu obuhvaćene ostalim modelima, te mjere zemljišne politike</b>		
	a)	Podrška različitim programima pokretanja proizvodnje, poticanja jesenje sjetve i slične mjere koje nisu obuhvaćene ostalim modelima.	Pravilnik/ Javni poziv	3.500.000,00
		<b>UKUPNO E:</b>		<b>6.200.000,00</b>

Tabela 7. Sudske presude, nerealizovani zahtjevi iz ranijeg perioda i rješenja po žalbama iz člana 34.ovog Programa

F/	Br.	<b>SUDSKE PRESUDE, VANSUDSKE NAGODBE, NEREALIZOVANI ZAHTJEVI IZ RANIJEG PERIODA ZA KOJE SU VRŠENE DODATNE PROVJERE I RJEŠENJA PO ŽALBAMA</b>	Iznos u KM
	1.	Novčane podrške - ostvareno pravo u ponovljenim postupcima provedenim po pravosnažnim sudskim presudama u oblasti novčanih podrški iz prethodnih godina, vansudske nagodbe, nerealizovani zahtjevi iz ranijeg perioda za koje su vršene dodatne provjere, pravosnažnim rješenjima donesenim u drugostepenom postupku po žalbama.	500.000,00
		<b>SVEGA: F</b>	500.000,00

		<b>SVEGA: A+B+C+D+E+F</b>	<b>106.000.000,00</b>
--	--	---------------------------	-----------------------

Ova odluka stupa na snagu narednog dana od dana objave u "Službenim novinama Federacije BiH".

V. broj \_\_\_\_\_/2022  
 \_\_\_\_\_april 2022. godine  
 Sarajevo

**Premijer**  
**Fadil Novalić, v.r.**